

ardentes, ira abjecta, solemnia parare fingentes, regem ad desiderium suum explendum cogeabant.

21. Mane ille, vultu præ voluptate splendente, adveniens, atque supplex uxores amantes, ob perfidiam ejus querentes, placare studens, iterum eas contristavit, quia post voluptatem perceptam languidus redditus erat.

22. Eum, in somno æmularum nomina pronuntiantem, mulieres, quamquam non loquentes, objurgabant, lacrymas in lecto stragulum profundentes, atque armillis præ ira diruptis sese ab illo avertentes.

23. Puellis missis viam indicantibus ingressus ille in casas frondeas, florum stratis instructas, voluptate fruebatur cum ancillis, uxorum timore tremens.

24. Quando in nominibus earum erraverat, mulieres dicebant: “Quoniam amatae tuæ nomen accepi, ejusdem sortem etiam cupio; animus meus, eheu! desiderio flagrat!”

25. Cum ille surrexisset, lectus ejus, *santali* pulvere flavus, coronis dispersis cingulisque diruptis tectus, gummi laccæ distinctus, ludentis jocos voluptarios revelabat.

26. Ille ipse feminarum pedibus inducebat colores, non vero animum ad hoc negotium attendit, quia oculi ejus alliciebantur illarum femoribus, laxis vestibus cingulique ligamine tectis, pulchrisque clunibus præditis.

27. Quando osculari volebat, illæ labia avertebant, quando cingulum solvere, manus prohibebant. Ita in omni cum mulieribus voluptate, quæ ejus amorem incendebat, desiderium ejus frustrabatur.

28. Per jocum a tergo adveniens ad feminas, in speculo voluptatis vestigia contemplantēs, umbra sua suaviter ridente effecit, ut præ pudore oculos clauderent.

29. Cum e lectourgeret, puellæ amatae, teneris brachiis ejus collum amplectentes, plantasque suas pedibus ejus imponentes, rogabant, ut nocte fugiente abiens ipsas oscularetur.

30. In speculo contemplans ornatum suum regium, magis quam INDRAE ornatus splendentem, non æque delectabatur, ac quando insignem suum cultum voluptarium adspiciebat.